



Plata dla Ploania Antermëia Sant'Antone Abat

UNITÉ PASTORALA



Ploian: **siur Paul Campej**
E-mail: **campei.paul@rolmail.net**

Calonia: **0474/520012**
Siur Paul: **380 7345533**

VAL BADIA
www.unitepastorala.org

Ann A

26.01.2020 - 02.02.2020 - 3. domënia ia por l'ann

n. 9

Speranza nöia

📖 **Is 8, 23b – 9, 3 | 1 Cor 1, 10–13.17 | Mt 4, 12–23**

Dal Vangele do San Mateo:

¹²Do che Gejù â aldì, ch'an â sciuré Jan te porjun, s'âl retrat tla Galilea. ¹³Al à lascè Nàzaret, por jì a d'abité a Cafàrnaum, che é dlungia le lêch, tl raiun de Sébulonn y de Nàftali. ¹⁴Çiodich'al dô s'adempli, çì ch'al é gnü dit tres le profet Isaia: ¹⁵La tera de Sébulonn y la tera de Nàftali, la strada dl mer, la tera delà dal Iórdann, la Galilea pagana: ¹⁶le popul che viô tla scurité à odü na löm lominosa; a chi, che viô tl règn dl'ambria dla mort, ti él aparì na löm. ¹⁷Da dailò inant à Gejù metü man da incundé: Convertisse! Deache le règn dl cil é daimprò. ¹⁸Tratan che Gejù passâ dlungia le lêch de Galilea, àl odü dui fredesc, Scimun, nominé Pire, y so fre Andrè, ai ê dër tl sciuré fora la rëi te lêch, çiodich'ai ê pesciadus. ¹⁹Y al ti à dit: Gnide do a mé! I fajarà fora de os pesciadus de jënt. ²⁰Atira ài lascè dailò sües rëis y ti é jüs do. ²¹Da jì inant àl odü dui d'atri fredesc, Iaco, le fi de Zebedeus, y so fre Jan; ai ê cun so pere Zebedeus te barca y arjignâ ca sües rëis. Al i à cherdè, ²²y atira ài lascè la barca y so pere y ti é jüs do a Gejù. ²³Gejù rodâ por dötta la Galilea, insignâ tles sinagoghes, incundâ le vagnele dl règn y varî tl popul dotes les maraties y les soferënzes.



Atlamaziun

DLA DOMËNIA

Alleluia. Alleluia. Gejù incundâ le vagnele dl règn y varî tl popul dotes les maraties y les soferënzes. Alleluia.

📖 **Letöres dla FESTA DLA PRESENTAZIUN DAL SIGNUR TAL TEMPL:**
Mal 3, 1–4 | Ebr 2, 11–12.13c–18 | Lc 2, 22–40

Edema liturgica dai 26.01. ai 02.02.2020

2020	Ora	Mëssa
3^a DOMENIA 26.01 DL'ANN <i>domenia dla Parora</i> <i>de Dî (Bibla)</i>	9.30 10.00	<i>Corona</i> Gran Mëssa por la comunité a onur de s. Ujöp Freinademetz fam. Oswald Prada + Anna Dejaco
LÖNESC 27.01	7.25	s. Mëssa aniv. + Iarone Agreiter
MERTESC 28.01 <i>s. Tomesc d'Aquino</i>		
MERCUI 29.01 <i>s. Ujöp Freinademetz</i>	7.25	s. Mëssa di scholars ++ Tarina y Tarejia Ferdigg <i>Oies:</i> 16.00 <i>Mëssa solëna cun l Cuartet Göma</i> 20.00 <i>Mëssa cun l cor de dlijia da La Val</i>
JÖBIA 30.01	15.00	<i>Ora d'adoraziun por vocaziuns</i>
VENDRES 31.01 <i>s. Giovanni Bosco</i>	7.25	s. Mëssa + Amalia Erlacher
SABEDA 01.02	17.00 18.00	<i>Ora d'adoraziun</i> s. Mëssa prefestia + Anna Dejaco
PREJENTAZIUN 02.02 DL SIGNUR <i>s. Maria dales ciandëres</i> <i>Benedisciun ciandëres</i> <i>Dé dla vita</i>	9.30 10.00	<i>Corona</i> Gran Mëssa por la comunité aniv. + Milia Devall <i>Benedisciun de s. Blaje</i>



Informaziuns y terminns

Festa de s. Antone: La festa de s. Antone é indô dër garatada a gauja dla colauraziun de tröc. Porchël ti va n gran dilan al Consëi de Cöra cun la presidënta Silvia y a düc chi che à portè pro don na man: sides te dlijia, sön plaza y tl slaf dles manifestaziuns. N dilan ince a chi che à petlè pesc o à dè val contribut finanziair, che va a bëgn dla dlijia. N dilan particular ti va bëgn ala familia dl mone, che à contribuí te diverjes manires por fá garatè la festa. A düc n gran dilan!

le ploan

3 Rêsc: dala aziun di 3 Rêsc cun l'offerta de S. Guania éle jü ite y menè al ufize dles Misciuns dla diozeja 1.900,00 €. N bel dilan!

Comun - Proscim termin ann 2020 por la racoiüda de **refodam da tosser** (patrîs vedles, lac, öri, bossi de sprai, löms neon, medejines vedles, refodam che contëgn FCKW) da pert dla firma Eco Eridania spa da Balsan a Antermëia:

Mertesc/dedolönesc, 04.02.2020: dales 12.00 ales 13.00 dan le magazin di stödafüs

Le **Zënter sozial La Spona** – Comunité Comprensoriala de Puster - chir da forá/merz inant na **educadëssa o educadú, pedagoga o pedagog sozial/a** al 50% por la comunité d'abitaziun. Le laur é dantadöt domisdé, dal lönesc ala jöbia. Por inforamziuns präibel cherdé sö da atira le numer 0471 843060 y damané dla responabla Sabine Federa.

Ai 19. de furá dales 17:30 vëgnel tigní en colaboraziun cun le Cunsëi de Formaziun Badia tl **Zënter dla jonëza y dla cultura SaJ.un a La Ila** na sëra de **workshop y informaziun da cujiné por geniturs** cun la dietologa Dr. Ivonne Daurú Malsiner. "Ci é pa na alimentaziun sana y co poi pa iö ti la pité a mi mituns?" Le cost é de 15€ y les prenotaziuns vëgn tutes sö te Sorvisc ai Jogn Val Badia (0474-523070)



Sant Ujöp Freinademetz

**Sciöche le légn adora la tera
por ciafé soft y spëisa,
insciö adora l'anima l'oraziun.**



DOMÈNIA DLA PARORA DE DÎ - 26 de jená

Papa Francësch á detlaré la III^a Domènia dl ann de dljia sciöche "Domènia dla Parora de Dî". Al s'aoda dër che chësta domènia vëgnes dedicada ala meditaziun y ala incundaziun dla Parora de Dî. Al tol l'impuls dal vangele do san Lüca 24,45 olache Gejú ressorí ti aparësc ai discepuí y ti spliga le significat dles Scritöres.

Chësta domènia dess daidé la comunité dla Dljia da sintí dötaurela la presënza dl Ressori che nes deura le tesur de süa Parora y che ó chi sunse incundadus y testimoni de süa gran richëza.

L'audanza dl Papa é che la Domènia dla Parora de Dî vëgnes zelebada te na forma solëna. Porchël él important che le liber dla Sacra Scritöra o le Lezionar vëgnes dala gran mëssa porté cun solenité te dljia y intronisé sön alté, por che i fedei capësces le valur che la Parora de Dî á por la vita cristiana.

En chësta domènia dessel ince gní alzé fora le sorvisc important dl'incundaziun y di leturs. Sciöche le Signur é presënt tl Pan y tl Vin Consacré, insciö él ince presënt te süa Parora che ël nes dij y che nes inviëia da respogne cun nosc dilan, nosta lauda, nosta oraziun y nosta vita.



Mag auch das Böse sich noch so sehr
vervielfachen, niemals vermag es
das Gute ganz aufzuzehren.

Thomas von Aquin

Mësses a Rina:	Dom 8.30 Dedol 19.30 Jöb 7.25 Sab 19.15 Dom 8.30
Mësses a San Martin:	Dom 9.30 Lön 14.00 Dedol 19.30 Jöb 7.30 Sab 18.30 Dom 9.30

	27.01 - 01.02.2020	Thomas - Karol
	02.02.2020	Dominik – Stefan – Joel – Nicol
	01.02.2020	Martina Rubatscher
	02.02.2020	Angela Prada

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it